

Sier Sabastian Zen, el cataver,  
*quond.* sier Francesco, *quon-*  
*dam* sier Marco, el cavalier, . . . 44 . . .

3 Noto, in questi zorni fu posto banco a la galia di pelegriani, patron sier Giacomo Michiel, di sier Biaxio, per andar al Zaffo, et più non stata, ma l' anno passato andò con li pelegriani la nave di sier Marco Zustignan; e questa partirà poi la Sensa.

Fu posto eri im pregadi, per li consieri, cai di 40 e savij, tuor licentia di dar sovention a li rectori electi in Romagna, *videlicet* di 4 mexi di qui; et fu presa. E poi fu posto dar la dita sovention, *ut in parte.* Ave 24 di no; e fu presa.

In questi zorni la terra comenzava a star mal, et ne andò in uno zorno sie. Or fu fato, per li provedadori sora la sanità, provision: prima levato le prediche e perdoni, *licet* più non vi era, e *solum* el di di Pasqua si predichò per le chiesie. *Item*, che li forneri, e altri, vendeno robe a torno, non andaseno in le caxe. *Item*, non si tenisse più scuole di niuna sorta. *Item*, non si vendeseno robe a li merchadi *etc.*; et dove erano le contra' amorbate fo netao, et intrò a San Zacharia *etc.*

*Item*, fo visto per l' aere in questi di alcuni oxelli in frota, *videlicet* gran moltitudine, vollar e passò oltra.

A dì X april. Non fo nulla di novo, perhò o scriverò.

A dì XI april. La matina l' orator dil turcho fo a la Signeria; et quello volse non lo so, *unum est* è expedito; et il secretario nostro, Zorzi Negro, si partirà, e audarà, con la galia di sier Zuan Francesco Polani, a Constantinopoli, la qual è armada, et è za partida e aspeta in Histria; ma ancora a lui non li è stà fato la commissione zerecha Alexio, *nescio* la causa *etc.*

A dì XII april. Da poi disnar fo pregadi. E prima la matina el vardian di Jerusalem, orator dil soldan per le cosse di Coloqut, et ave audientia con li capi di X *etc.*

In pregadi. Non vi fu el principe, che mai poi è doxe à fallito ni pregadi, ni conseio di X, ni gran conseio, ni collegio; ni eri fo in collegio per esser amallà di sferdimento.

Fu posto, per li consieri, far salvo conduto a Francesco e Garzom di Garzoni, di sier Andrea, dal banco, per mexi 6 *etc.*, atento che l'oro erano im pupilar età *etc.* Et fu presa: 19 di no, 100 di sì.

Fu posto, per li savij, che li rectori electi in Romagna menino il canzelier, con ducati . . . al mexe,

et il cavalier, ducati . . . al mexe, per spexe, neti; et fu presa.

Fu posto, per li consieri, atento che li do oratori, electi a portar el baston *etc.* al conte di Pitiano, hanno refudato, che li sia acceptà la soa scusa; et fu presa. Et fu *statim* facto el scurtinio, qual è qui solo anotado.

*Electi do oratori a portar il baston etc. al conte di Pitiano, in locho de li do za electi.*

Sier Alvixe Marzello, fo patron a l'arsenal, <i>quondam</i> sier Giacomo, . . . . .	48
Sier Marco Marzello, <i>quondam</i> sier Giacomo Antonio, el cavalier, . . . . .	89
Sier Nadalin Contarini, <i>quondam</i> sier Hironimo, <i>quondam</i> sier Stefano, el procurator, . . . . .	82
Sier Giacomo Zustignan, <i>quondam</i> sier Francesco, el cavalier, . . . . .	110
Sier Marin Bon, l' auditor nuovo, <i>quondam</i> sier Michiel, . . . . .	82
† Sier Marin Trivixam, <i>quondam</i> sier Marchiò, . . . . .	111
Sier Marin Sanudo, fo savio ai ordeni, <i>quondam</i> sier Lunardo, . . . . .	68
Sier Filippo Sanudo, el savio ai ordeni, <i>quondam</i> sier Piero, . . . . .	103
† Sier Lunardo Emo, el savio ai ordeni, <i>quondam</i> sier Zuan, el cavalier, . . . . .	127
Sier Francesco Corner, di sier Zorzi, el cavalier, . . . . .	73
Sier Mathio di Prioli, el provedador sora l' armar, <i>quondam</i> sier Francesco, . . . . .	88
Non. Sier Alvixe Morexini, fo avochato grando, <i>quondam</i> sier Zusto, . . . . .	
Sier Alvixe Soranzo, <i>quondam</i> sier Vector, . . . . .	58
Sier Nicolò Salamon, fo auditor nuovo, <i>quondam</i> sier Michiel, . . . . .	83
Sier Vincenzo Cabriel, <i>quondam</i> sier Bertuzi, el cavalier, . . . . .	107
Sier Piero Bernardo, <i>quondam</i> sier Hironimo, . . . . .	50

Noto, fui tolto contra mia voglia, et perhò li mei amici non mi volseno, perchè era spexa senza utilità ni honor, et *solum* per 8 zorni, *licet* sia fama, el conte di Pitiano a Ravenna farà far 3 zostre.

Et, poi fato questo scurtinio, restò conseio di X, con zonta di collegio et altri, credo in la materia di